



WOLFDEN RESOURCES INC.

309 Court Street South
Thunder Bay, Ontario
P7J 1H1
Fonia: (807) 346-1668
Faxkot: (807) 345-0284

August 4, 2005

Mr. Philippe di Pizzo
Laisilikiok Havakti
Nunavutmi Emmalikiyit Katimayiit
P.O. Box 119
Oghoktok, NU
X0B 1J0

Nunavut Water
Board

AUG 19 2005

Public Registry

Halo Mr. di Pizzo:

**Re: Apikhiot Nutaamik Laisikhami # NWB1ULU0008 –
WOLFDEN RESOURCES INC. – ULU NALAVAAKHIOKHIMAKNIAKMATJUK
OYAGAKHIOKVIK**

Wolfden Resources Inc. hajja toghiliktot nutaamik laisimik # NWB1ULU0008, ona elagiya oma Ulu Mining Oyagahiogotikhak ovalo Nalvaahiokniakmata oyagakhiokvikmi. On atogomayat allangoklogo oyagakhiogot laisia. Ona nutaak, titigkhimayu hamani, ehoiknaitomik kovvikaikpata emakokvikmik ehoinaktailitikhak oyagakhiokvikmi. Okoa havaktot okoa Gartner Lee Limited ekayuktot naonaktonik ehoakhaiyut okononga Wolfden Resources hamna atoktakhat toniyukhak naonaitkot.

Tohiktot Nutaatmik Laisikhamik

- Ongovaktokhak Annakokvik ahinoklogo nunamot okonani titigakhimayuni annakokviit ehoaktokhaokmata titigakhimayun ovani Elangani D, Elanga 18.

Hok Allangoklogo Toghikvigiyat

Hamna taya atoktot laisik piagianiktok tamainik nutaanik annakokvikhak ehoaktokhaolikmat kafit ehoaktokhat atogiami annakokvikmot, okoalo Annakokvik, ona avatkolimaitmat tatatkomi ahinot kovilakiniakmat ematot 1000 CFU/dl (Elanga D, Elangani 8). Hamani okoa atoktot aolayut ehoaktokhaokmata annakokvik ovnai Kakogogaikpat Halumakpaliavaktot Tutkomakhagangamik (RBC) kovikatakhogit ahinongitot halumaktikatakhogit piagiakaktok annakokvik. Ona taya annakokvik namaktogaloak chlorine-mik halumaktigotikaktok. Kihime, halumaktigota

emakokvioplonilo elait kovigomik ahinot nunamot halumailakotiniakmata ikaluknot ovalo omayunot tahikmi. Tahamani emakmiotat omayut kanogonaknakhotik tokolakholaaitugaloat, kihime ehomaloknaktot annakokvik tokonanik avoktokhimailakkaloaklogo halumaktigotmik.

Maliklogit honat malikoyaoyut annakokviknot halumaktigiakaktot avoktoklogit halumaktigotmik ovani titiganiitoni "Maliktakhani Kovigaiyuni Annakokviknot Hamlatkot atokpagan Nunatiami (1992)". Hamna titiga okaohilik tamainot annakokviit kovvigaivaktot tahiknot halumayunot Takologo f ovani Table 4.1), "annakokviit halumaktigiakaktot kagogangat; kihime halumaktiknit atogiakaktot homi-kanogitoni ehivgioktaohimayuni kayaknaktot anniktailitikaklotik".

Halumaktikhimayuk annakokvik kovvigaktaoyuk omonga 1.8 ha, East Lake-mi. Tahamani naonaitikhimaitot kovivikhat kugalait ahinot tahamani tahikmi. Kihime, elait angani atailo nunap koviyukaktot omonga East Lake-mi Ulu Tahikmot tahamna nuna kaiktoinnaogami kugakakvia. ona tahik emakoktonia agtigiok ematot 40,900 m³, hamalo tahik etitigiok kiglikakhoni 6.2 metres. Ona mikkak tahik onalo ahinilo tahigat hanianiitot, ovalo ikaluit mayoavikhaitot ona tahik himmiktaokpat atanokvikhak ehokit nayuktat.

Tahamani nunami atogiktaktokangitok holiviovakhoni nuna ona East Lake okoalo emmat tattit inuknit atoktaongitot ikalukhiokviongittotiklo. Emmat kanogitakhaita ehivgioktaoyut emaitot 1 litre naliak mikait) kalogakhogit ehivgiogakhait pivaigait ovalo halumayakhaita ehivgiopagait honakagonaktot omayunik. Hamani tatitlo ovani Ulu-mi Tahik atoktaongitot inuknit ova emak emiktakviyuk ahinit. Okoa atoktaoyukhat emmat ovani East Lake ovanilo Ulu Lake, inuknot hivoganaitot atogiami oyagakhioktiniit annakokviogomi hajja halumaktigotmik elaliktolimaitok.

Annakokvik Halumaktiktaoniaktok Avoktoklogo ovani Ulu-mi Oyagakhikvikmi

Ona annakokvik halumaniaktat avoktoklogo halumakhitotmik ovalo annat kivittikataklogitlo halumaktikvikmi kattakyukmi, Tabkoa halumaktokhat annakot oyagakhioktmik halumaktikvikaklotik kattakyukmik halumakheevikmik, Kakogogaikpat Halumakpaliavaktot Tutkomakhagangamik(RBC) kattakyukmi, aipalo kattkyuk, avoktokvik, onalo enmiotikakvik chlorine-mik kattakyukmik. etank, a secondary settling tank, a chlorinator, and a chlorine contact chamber. Emagikhiteevik, ennakot halumaktot aipaniit kattakyukmit nuutpaktok engmiotikakvikmot ovalo engmiotit kovivagait annakomot ovani 4-inch kovivik toghoak. Avogeektikmik engmiotmik halumaktigotmik enikniaktok kovilogo engmiotimik kovigaklogo ona 4-inch calcium hypochlorite engmiotmik. Allamotlo halumaktigotmik ovalo aolania elangitni titigani onipkaniitok tonihimayut okononga Nunavutmi Emalikiyit Katimayinot, "Ulu Nalvaakhiokhimakniaktot Oyagakhikvikmi, Annakokvia Halumaktigotmik ovalo Oyagakokviklo Kaligeektikmik Aolayukhat ovalo Hanajutikhat Opalongoiyaotit, Febyoali 2005".

Ehoaktotmik halumaktigiyami annakokvikmik engmiotitoklotik halumakhivakniakmata elanga halumaktigut engmiot avaleekniaktok nunamot piloni. Nunamoktok engmiot chlorine hilaot paniktilimaitok ovalo avaleegomi kihime panniknagikniaktok emakmi. Angiot annakoveet halumakhikviit kattakyoit engmiotikakvilgit ongovaktigotikaktotlo engmiotmik emak halumaktok kovitinnago nunamot. Engmiotikot annakot halumaktigiyami tamaita pihimaitot ovani Ulu oyagakhioktmik. Okoa taimaitonik halumaktigotilgit (Seprotech Systems Incorporated, Mississauga, Ontario), halumaktigotat atogakhait piyami ayoknavyaktot ovnai "kiokotit" iglokpait halumakhikviit atokniaktot Ulu oyagakhioktmik. Okoa taimaitutilgit halumakhikvikmik, hanayuminaitok engmiotikakvik kattakyukmik halumakhivik. Hilami a engmiotikakvik, atoklotik sodium bisulfite angmiotit eliogaktaoniaktot. Kihime, tahamani elihimainiakmat halumakheevikmik, kanok kihime hilameetnami okiomi kikitpakniaktok. Kattakyukmik halumakheevikagomik inukmik havaktikagiakaktot hanahimaktokhatlo taotoklogit. Sodium bisulfite hakogiktok halumaktigut emalo panikhivikaktok oxygen levels hilaot ehoaktomi atotiagomi nammaktok.

Kengolikot

Hamani inuknot ehomaloknaitkaloakhoni annakokvikhak kovivakniakto Ulu-mi omonga East Lake. Emaililakivuk, ona pitkoyaolikok annakokvik halumaktikvikakniaktok kihime engmiotiliktohimaitok halumakhikaklogo omonga East Lake. Hamna pitkoyaoyuk ehoaktokhak ovani 1992 Nunatiami annakokviit maligait atoktokhat ovalo, eliogaklogit, halumakhikvik aolayangani ovalo kovivaklogo emmakok halumakak omayunot hivoganaitomi tattini engmiotilgit. Ona iglokpak eliogaktokhak halumakheevik pitkoyaoyuk, Wolfden Resources Inc. toghiktoni emmaknik laisimik # NWB1ULU0008 nutangoktokhat ongovakloni Annakokvikni haniani oyagakhiokviop atokoyaokmata halumakheevit titiganiitoni ovani Elanga D, Elangitni 18.

Hamani okaotimni hapkoninga naonaigonakhivuk eliffingnot itkoamalogo toghiktakot allangotaktoni emakmot laisikhamik toghiktogut laisimik # NWB1ULU0008. Honaniklo naonaikpaaligomagovit konogonakhimaitomik hivayainagialioyunga.

Ovanga,

Wolfden Resources Inc.



David B. Stevenson, M.Sc., P.Geo.
Oyagakhiokvikmi Atanik, Ulu